



№ 3 სალიტერატურო ჟურნალი

წერილები და ფული გამოიგზავნება ამ ადრესით: Тифლის, Типография Т-ва „Шрома“. Теофилу Ерастовичу „Болквадзе.

შემდეგ ნომრიდან დაიწეება ბეჭდვა კრიტიკულ წერილებისა ქართულ ლიტერატურაზე.

ნანა ობლისა.

ჩუ, ნუ სტირი პაწაწინავ,
 ნუ გაიკრობ უღროთ ძილსა,
 ობოლი ხარ... უპატრონო...
 ვინ მოგხედავს ტანჯვის შვილსა!
 შავ სიკვდილმა შენი ღედა
 სამარეში ჩაიტანა,
 აწ მე გიმღერ მის მაგივრათ,—
 ნანა შეილო, ნანი ნანა!

მამა შენი, ბნელ საკანში
 გამოაღრჩევს, შესაბრალოდ,
 გადაუწვეს მთლად სახლ-კარი,—
 შემდეგ დარჩი შე ტიალად.
 და ღღეს შენი დამღუბველი
 შეგიბრალებს მკირცდ განა?
 არა... ისევ მე გიმღერებ,—
 ნანა შეილო, ნანი ნანა!

როცა დედა უბედური
 შენ კარ და კარ გატარებდა,
 მაშინაც კი ის დუშმანი
 დასცინოდა... ჰხარხარებდა.
 მორჩა ტანჯვის... მშობლის გულსა
 ღღეს ვერ ჰბასრავს სველის დანა...
 აწ მგოსანი მოსთქვამს შენთვის,—
 ნანა შეილო, ნანი ნანა!

ბუჩქნარი და ნაკადული.

მსუსხარ თოვლს ქვეშ მომწყდელი,
კენესს ბუჩქნარი, ვით ეული,

და თვალთაგან ცრემლები სდის
კენესის „ღმერთო! ოხ, როდემდის

უნდა ვზილო ტანჯვის ჯვარი
და ვაფრქვიოთ ცრემლთა ღვარი?!

— ნუ, ნუ კენესი, ნუ ღვრი ცრემლებს,
თვარა სევდა მოგინელებს!—

შესძახის მას ნაკადული,
ცინულთ ხუნდში გახლართული.—

მე მომბაძე, ნუ იტებ გულს:
მოვესწრებით კვლავ გაზაფხულს!“

ვ. ბრუხაძე.

ბ. ჩხიკვაძე.

ვ ა რ ს კ ე ლ ა ვ ს .

შენ ენთე ცაზე ჩემის ცხოვრების, შენის ციმციმით მე ვიყავ მტკბარი, შენი სიამე მეც მაამებდა, შენის მოწყენით კი ვიყავ მკვდარი.

შენ მოსწყდი ცასა, მაგრამ არ ჩაქრი: გულს ჩამეკარი, გაშალე ფრთები. ამიერიდან შენ იქ იშუქებ და ჩაუშრეტელ ცეცხლებზე ენთები...

შენ მოსწყდი ცასა, მაგრამ არ ჩაქრი: ჩემს ტანჯულ გულში იღვივებ მარად, მაგრამ მე შინც ცხარე ცრემლები ნეტა, რათ დამდის ნიაღვ დვარად?!

ნ. ზომლეთელი.

გაუთავებელი ვიზიტები.

როგორც მოგახსენებ „სალამური“ რედაქტორის ცივმა შეხვედრამ და დამუქრებამ ისე ცუდათ იმოქმედა ჩემზე, რომ ორი დღე გარეთ არ გამოვსულვარ. გადაწყვეტილი მქონდა არც არავისთან მივსულიყავი და ერთი სიტყვაც არ დამეწერა ბრახიან რედაქტორის ჟურნალში. არა, თქვენ თვითონ განსაჯეთ, იმის მაგიერ, რომ სახლში შევეპატრე, გამისპინძლებოდა და მადლობა ეთქვა მის უხეირო ჟურნალში თანამშრომლობისათვის, ქორივით მომვარდა კარებთან და დამიწყო ყვირილი (ნეტა მისი ბიძაშვილი ხომ არ ვეგონე?). ეგ კიდევ რა? კეტს წამოუხედა ხელი და კინაღამ თავში მიხლიშა. (სიმართლე რომ სთქვას კაცმა ჩვენი ჟურნალ-გაზეთებიდან მეტ სასიყვარულო ვერას მიიღებს დღეს თანამშრომელი). გადაწყვეტილი მქონდა ვიზიტებისა და წერილებისთვისაც თავი დამენებებო. მოკვცევი ჩემი ჰაეროვანი და კუთხეში მივაყუდე. ყველაზე მეტათ გულს ის მითუთქავდა, რომ ჩემი დროისანი ჰაერში არ ნავარდობდა. ცრემლებს ვეღარ ვიმაგრებდი, როცა თვალს ზოგვრავდი მის ჩამოყრილ ფრთებს.

ცოცხალ ადამიანს მხოლოდ მეტეხის ციხეში შეუძლია გასძლოს ისე, რომ რამდენიმე დღე, თვე და წელიწადებიც კი გარეთ არ გამოვიდეს. სულ სხვა საქმეა, როცა შენს საკუთარ ოთახში ხარ, ოთახს კარები აქვს, შეგიძლია გახვიდე ქუჩაში, და

სათაე გინდა იქით წახვიდე. ორი დღის შემდეგ ვეღარ გავუძელ ტყვეობა და გავედი ქუჩაში. ის იყო სალდათის ბაზრის გავცდი, რომ უცბათ ვილაე კაცი მეცა, გადამეხვია და ისე მაგრათ მომიქირა ხელები და დამიწყო კოცნა, რომ თან შიშით და თან ტკივილების გამო კინაღამ დავიყვირე. შეეხედე—ჩემი რედაქტორი, მეც ისეთი გადაბრუებული იყო, რომ თქვენი მოწონებული. გადამეხვია, ბატონო და დამიწყო ბოდიშები, მარა რა ბოდიშები, მაპატე, ბატონო ბურნუთო, იმ დღეს ცოტათი გაწყენინე (მისმა მზემ ცოტათი მაწყენინა) დაივიწყე ყველაფერი და შენს მადლიან კალამს ნუ მოაკლებ ჩემ ჟურნალსო. იმდენი იბოდიშა, რომ სწორე გითხრათ გული ამიჩვილდა. უზომო სიხარულმა შემიპყრო, ისე მომინდა ჰაერში განავარდება, რომ სიტყვის თქმაც ვეღარ მოვასწარ, გავქანდი სახლისაკენ, გამოვიტანე ჩემი ფრთოსანი, ერთი ძალზე ავარახანზე და თავამეტებით შევსრიალდი ცის სივრცეში, ერთი ირფელიე შემოღობე ქალაქს და გზა „ახალშენი“-სკენ დავიქირე. გულით მწყუროდა მენახა „ახალშენი“-ს თავადი სევესტი გაჩეჩილძე. მინდოდა გამოემეკითხა მისი „სავაჩეჩილაქოს“ ამბავ-ხაბარი და ზოგიერთებისთვის ვიზიტი გამეკეთებო. ის იყო ფიქრის გორას გავცდი, რომ სათავად-აზნაურო გენახიიდან საშინელი ყვირილი შემომესმა. ისეთი ხმაურობა ისმოდა, რომ მეგონა უთუოთ მოსწავლეები დამთვრალან და რალაც საზარელი ამბავი მომხდარა მეთქი. გულმა აღარ მომიშინა და დავეშვი ძირს. შევდგი თუ არა კარებში ფეხი, თქვენს მტერს მე რომ საზარელი სურათი წარმომიდგა თვალ წინ. საკლასო ოთახებში მტერის ბული იდგა, მოსწავლეებს სკამები ერთ კუთხეში მიეღაგებიათ და ქიდაობა გავმართათ, ზოგი ხტოდა, ზოგი მღეროდა, ზოგი ყვიროდა. მუხუცი მოსამსახურე თოკით მაგრათ შეეკრათ და კუთხეში დაეგლოათ.

— არ ამბავია მოხუცო? რა მოხდა? ჩავსახე მოხუცს—ნუ თუ ყველა შეგირდები ასე საშინლათ დამთვრალან?

— არა, ბატონო, შეკირდები კი არ დამთვრალან, მსწავლებლები დაგვეკარგა, ერთიც ვეღარ ვნახეთ დღეს—საკოდავთ ამოიქანგლო მოხუცმა.

— როგორ თუ დაგვეკარგათ? რას ამბობ მოხუცო? გავიკვირე მე.

— დიახ დაგვეკარგა, ბატონო, გუშინ საღამოზე უნახავთ სათავად აზნაურო ბალზე მიმავლნი იქიდან დაბრუნებული კი არავის უნახავს. გავგზავნეთ ყველგან შიკრიკები, მაგრამ ამათ

ამ სიტყვებმა გამაოცა, ვერ წარმომედგანა როგორ

დაიკარგა ამოდენა ქალაქში გიმნაზიის ყველა მასწავლებლები. როგორც იქნა მოხუცი გვანთავისუფლე, ვერაფერი სანუგეშო ვუთხარი, გამოვედი გარეთ და გავსწიე ახალშენისაკენ. რამდენიმე საუფინი გავიარე, რომ თვალი მოვპკარ საგაზეთაძეოს თავადს, ის ამაყთა ჯორზე იჯდა და ღიღინით ქალაქისაკენ მოემგზავრებოდა. შეწყინა, მაგრამ რას ვიზამდი, შემოვატრიალე ჩემი ფრთოსანი და

„ცხოვრება და ხელოვნებას“ რედექციის კარებთან ჩამოფერინდი, რომ შემეტყობინებია მასწავლებლების დაკარგვის ამბავი. შევალე რედაქციის კარები. ოთახის შუა გაეშალათ დიდი სუფრა და გარს შემოსხლდოდა რამდენიმე კაცი და თავ ჩაღუნულნი სწერდნენ. სუფრის თავში ფილიპე იჯდა. ყველაზე უწინ იმან დამინახა და სათვალზე ქვეშ გამომიქვრიტა. მივუახლოვედი, ჯიბიდან წმინდა ცხვირსახოცი ამოვიღე, მინდოდა ცხვირი მომეხოსა, ხელსახოცი ახალგარეცხილი და კობჯათ დაკეცილი იყო. მოპკრა თვალი თუ არა ფილიპემ, უცბათ მომვარდა და მტაცა ხელი აბა როგორ დავანებებო და შეგვექნა ჩხუბი.

— უთუოთ პუბლიცისტური წერილი იქნება, ეს მე შექვემდებარება, მოიტათ ყვიროდა ფილიპე. გაოცებული შევკურბები და ცხვირსახოცს ხელს არ ვუშვებდი.

ხმაურობაზე ყველამ თავები წამოპყვეს.

— არა, შე ვიცი, ბატონი ბურნუთი, სიტყვა კანშულ მწერლობის ბურჯია, უთუოთ მაგას რაიმე მოთხრობა ექნება—წამოიძახა შიომ, გადმოხტა და გვეცა ხელში.

— აბა რას შერებით, მე კარგათ ვიცი, რომ ბატონი ბურნუთი, ნამდვილი პოეტია, მაგის ლექსები რომელ გავთვთი და ჟურნალში გინდა არ იბეჭდებოდეს, უთუოთ ლექს მოიტანდა, მწერლობის ეს დარგი კი მე მზარია, გთხოვთ ხელი გაუშვათ—წარმოსთქვა კ. მაყაშვილმა და ისიც ჩაგვებლაუჭა.

— მე დიდი ხანია ვიცნობ, ბატონ ბურნუსს, მაგის ისტორიული გამოკვლევანი უმჯობესესი განძია საქართველოსთვის, ეგ წერილი უთუოთ ისტორიული იქნება და მაგაში კი ვერვინ ჩამეცილება—მოისმა ს. კაბაძის ხმა, გადმოხტა და ისიც ჩამოგვერია.

— კრიტიკა არის, კრიტიკა—ყვიროდა იბ. ვართავა.

— დრამა, დრამა, მაგის დრამები ქვებსაც კი ატრემიღებს, ყვიროდა ვალიკო.

ბოლოს ვველანი შემომეხვიენენ და დაუწყეს გლეჯა ჩემ ცხვირსახოცს. ისე გავეშტერდი, რომ

ვერ მოვახერხე რამე მეთქვა. ბოლოს როგორც იქნა ძლივს გავაგებინე.

— ბატონებო! ნუ დამიხვეთ, ეს ჩემი ცხვირსახოცია.

— სხვირსახოცი?! ერთბაშათ გაოცებით წამოიძახეს ყველამ და მომშორდნენ. ყველანი თავთავიანთ ადგილზე დასხდნენ და თითქო აქ არაფერი იყო განაგრძეს მუშაობა.

— ბატონებო, ქართულ გიმნაზიის მასწავლებლები დაკარგულან, მოვედი, რომ შეგატყობინოთ—წარმოგვსთქვი მე.

ეს ამბავი ყველას მეხვიით დაცა თავზე. ზეზე წამოცვივდნენ, ქულებს ხელი დაავლეს და გაიქცენ. დავრჩი მარტოთ რედაქციაში. აბა რა შავი ქვა მინდოდა იქ. გამოვარდი გარეთ და პირდაპირ სადგურისაკენ გავსწიე, რომ მოვშორებოდი ქალაქს და პროვინციისკენ გავმგზავრებულყოფა. დაუახლოვედი თუ არა სადგურს, გულმა აღარ მომიტმინა და

რკინის გზის ხანგლოსნოს წინ ჩამოვეშვი. შევალე სახელოსნოს კარები და ისევ უკან გამობრუნებას ვაპირებდი, რომ უცბათ ნაცნობი ხმა მომესმა.

— მობრძანდი, ბ ნო ბურნუთო, მობრძანდი.

გაოცებული ადგილიდან არ ვიძროდი, ვეღარ წარმოვიდგინე თუ იქ სახელოსნო იყო, გამხდარ-გამხდარი მუშების, მაგიერ ვიღაც ჩასუქებული, ღობიანი კაცები დადიოდნენ, ტანთ ჯაგშანი ეცვათ, თავზე დიდდონი ქილები ჩამოეფხატათ, ყურებში ბამბის ქულა გაეკეთებიათ. მხოლოთ იმით მივხვდი, ეს ხალხი მუშები იყვნენ, რომ მუშაობდნენ.

— რას ნიშნავს ეს ცოხნაშვილო, წვეკითხე ჩემს ნაცნობს, ან ასე რამ დგასუქათ ყველანი, ან ეს უცნაური ტანისამოსი რა არის?

ჩემ ნაცნობს ჩაეცინა.

— რათ გავიკვირდა, ბატონო ბურნუთო, რომ ერთხელ ჩვენი გავსუქდით, ეს იმის ბრალია, რომ მეტს ვიღებთ ეხლა, მეტს ვმუშაობთ და მეტს ვიღებთ, ეს ტანისამოსი კი იმიტომ შევიკვირეთ, რომ გარეგან გავლენისგან დავიფაროთ თავი—ღიმილით მიპასუხა ჩემმა ნაცნობმა.

ამ პასუხმა სავეცებით დამამკაყოფილა, გავიგე ყველაფერი. გავიარ-გამოვიარე აქეთ იქით. აქა იქ ზოგიერთი მუშები კუთხეში მიმჯდარიყვნენ და თითებზე ითვლიდნენ.

— აკორდით მუშაობისგან მივიღე, ორმოცი მანეთი, გოგონის სამუშაო წავართვი და იქიდან მივიღე ოცდა ათი მანეთი, საჩუქარი მუყაითად მუ-

შაობისთვის ოცდა ხუთი მანეთი, სულ ზედ მეტი ცხრა თუმან ნახევარი.

— პროლეტარებო ... გავიდე პირი, რომ აქეთ იქიდან მომცვინდნენ, პირზე ხელი მომიქირეს და კინწის კვრით გარეთ გამომაგდეს. უნდა მოგახსენოთ ამ სიტყვის ხსენებამ დიდი თავზარი დასცა ყველას, ერთი აღიაქოთი ატყდა. გულები კინაღამ დაუსქდათ. რამდენიმე კაცმა კარგა მანძილზე გამომაცილა, რომ უკან აღარ დაებრუნებულიყავ. რაკი გზაც იქით მქონდა ვიზიტი გავუკეთე

ხაქონლის სადგურის მუშებს. შუა მოედანზე დიდი სუფრა გეშალათ, ყველანი გარს შემოსხდომოდნენ და იყო ერთი ქეფი. რა გინდა სულა და გულა იქ რომ არ ეწყა. ცალ მუხლზე წამოიჩქილი ტოლუმბაში საოცარ „რეჩს“ ამბობდა. ყველანი სულ განაბული უსმენდნენ. „რეჩი“ უმთავრესათ შეეხებოდა არტელის აღორძინებას.

აბა თქვენი თვითონ წარმოიდგინეთ, რა რიგათ გამოვიკრდებოდა ამ სანახაობის დანახვა.

დამინახეს თუ არა ხელათ მომცვინდნენ და მიმიპატიეს. მე სასტიკი უარი განაცხადე, რადგან მეჩქარებოდა, მხოლოდ ვეღარ მოვითმინე და ვიკოთხე:

— ვისი ქორწილია, ძმებო და მეგობრებო? ამ ჩემ კითხვაზე ასტყდა ხარხარი.

— რა ქორწილი? რის ქორწილი? ვმუშაობთ, ვშრომობთ... მომცეს პასუხათ აქეთ იქიდან.

— იშრომეთ, იმოღვაწეთ, მეტი და გავსწიე სადგურისაკენ. მინდოდა კონდუქტორების ბრიგადა მენახა. გადაწყვეტილი მქონდა მცხეთამდე რკინის გზით წავსულიყავ. საქირა იყო კონდუქტორებთან მოლაპარაკება უბილეთით გამგზავრებაზე.

გავედი თუ არა ბაქანზე წინ შეემჩნეა ერთი ნაცნობი. ისე ძალზე გადაბრუებული იყო, რომ აღარ მომეშვა, გინდა თუ არა დღეს უთუოდ უნდა დარჩე და დრო ერთათ გავატარათო. მეტი რა გზა მქონდა, სიმაართლე ვსთქვა მეც მესიამოვნა მისი ნახვა, კარგა ხანია არ მენახა. მიგაბარე სადგურზე ჩემი ფრთოსანი და მეგობართან ერთათ გამოვბრუნდი, იმ გადაწყვეტილებით, რომ ხვალ დილითვე აუცილებლათ ენახო კონდუქტორები და პროვინციისკენ გავსწო.

ბურნუთი.



ღმერთების ბრძოლა.

(პ ო ე მ ა)

II

გარბოდნენ წელნი...

მუნ, სადაც თხემი უცოვრელი სისხლით ჩაბანეს, სღუმდა ყოველი... გაჰქელილი მიდამო იგი, მოგაგონებდათ ძილის წალკოტს, სიზმართ სავანეს. უგულისხმობთ მონაქროლი უდაბნოს ქარი დრო-გამოშვებით, მივიწყებულს თუ გადაჰფრენდა... საქვეყნო რწმენა დაგომბილი, სიცოცხლე მკვდარი... სიცოცხლის სიმი აღარ სცემდა, გულს არ აღხენდა. შავსა ტარტაროზს ჩუმი სევდა, შავი სიკვდილი, იმის წიაღზე ჯოჯოხეთით ამოეზიდა, ცოფს ჰყრიდა პირით, კაცთ სამუსრად ბასრ ცელ-გაწვდილი, ქომაგათ ჰყავდა რისხვის ღმერთი თვით ნემეზიდა. სიმწუხრის შუქი გადაჰკვროდა მშვენიერ ტატნოზს, მკვდარი ოცნება ყრუ სივრცეზე ვსვენებოდა, მზე დაქცეული ვერ აკრთობდა სხივებსა გამთბობს, მთვარე გრძნეული იფერფლოდა, ნელ-ნელ დნებოდა. ხშირად ჰხდებოდა: ავ-სულით გროვა შებინდებისას, მალღ სერზედა გადმომდგარი, ბარს დასცქეროდა,

სიმებს უწყობდა კუბრის ჩანგსა ჯოჯოხეთისას,
გულ-მხიარული ალტაცებით ზედ დამღეროდა:

ავ-სულთ ხორა.

ჯოჯოხეთით მოგვაქვს ცეცხლი,
აღში იწვის მთა და ბარი,
კუბრის ორმო სულ გუზგუზებს,
ირგვლივ ისმის გლოვა-ზარი.

ცა და მიწა დავიმონეთ,
შუბი ვჰკარით მნათობ მზესა,
შავ წყვდიადის შავ ჯურღმულში
სიყვარული ჩაიღესა.

უძლევეა ავ-სულთ მოღმა,
ჩვენა რაზმი არ შედრკება,
ქვრივ-ობოლთა გვატკობს მოთქმა,
მსხვერპლი... მსხვერპლი გვენატრება!

ზეცის არსნო! შიშით ძრწოდეთ,
მოიხარეთ ჩვენს წინ ქელი,
თორემ უფსკრულს ჩაგანარცხებთ,—
განრისხდება თქვენზე ბელი.

შორს, შორს სხივი სინათლისა,
მკვდრებით აღსდგა ჯოჯოხეთი,
შავ წყვდიადში ჩაიჩეხა
სიყვარულის ფლიდი ღმერთი.

მეგობრებო! მაშ სიმღერა,
ნულარ მოვჰკლავეთ უქმად დროსა,
ვაწყველინოთ ბედის წერა
სიმაართლის მცველ საზიზღ ბრბოსა!..

ოდეს შესწყვეტდენ ამ სიმღერას, ასტეხდენ ყივიანს,
მთა-ბარი მყისვე შიშისაგან ცახცახს იწყებდა,
უგულო ზეცა არ ისმენდა დაჩაგრულთ ქვითინს,
თავისუფლების სდუმდა ღმერთა, ხმას არ იღებდა.
სიყვარულისა ღმერთი მკერდზე მისვენებოდა,
ორთავე ერთად მისცემოდენ ტკბილ ოცნებასა,
დრო მომავალი თვალ თვალი წინ ედგათ, ეხატებოდათ,
ირგვლივ სხივებათ გააკრობდენ დიად მცნებასა.
ხანაც, თუ ღმერთი სიყვარულის დანაღვლდებოდა,
თავის აწმყოსა საშიშარად წარმოიდგენდა,
თავისუფლების ღმერთას ხელი ჩანგსა წვდებოდა,
სიმთ შუაკრობდა, ზედ დაჰმღერდა და მოაღხენდა.

თავისუფლების ღმერთა:

ცის წიაღით გადმოვფრინდით სრიალით,
აღზგნებულნი, დაჩაგრულთა ტრფიალით,
სახიფათო გზა ცოტათი გვეძნელა,
აღმაფრენის ცეცხლი გულში გვენელა,
მაგრამ ტანჯვა ვიცით გარდმავალია,
შორს გვიყივის ტკბილი მომავალია!

დე ავ-სული შემადრწენად ჰყოდეს,
ჩვენ, ჩაგრულთა წყლული წყლულად გვტკიოდეს,
დეე ტანჯვა, ხსნის იმედმა დალიოს,
გულმა, სულის მწუხარება დალიოს;
ტანჯვაში ჰკრთის სხივი შვების მფენია,
ვინეტაროთ,—მომავალი ჩვენია!

როს არწვეი ზეცად აიწურება,
თითქოს ჰშიშობს, ან სოფელს ემღურება,
ამ დროს იგი მალლით მსხვერპლსა დაეძებს,
როს შეამჩნევს,—კვლავ მიწისკენ დასცემს ფრთებს.
ჩვენც ორთავე არწივი ვართ დროთა სვლის,
ჩვენს ხელშია,—ბედი ჩვენის მომავლის!..

ამ სიმღერითა, სიყვარულის ქაბუკი ღმერთი
იხიბლებოდა... ლად ოცნებით შორს, შორს მიჰფერნდა,
გრძნეული გრძნობით, ცის და ქვეყნის აწ შემეერთი,
ტანჯულ ვარემოს სინათლისა შუქსა მიჰფერნდა.
გულის ხვაშიადს გაანდობდა ნიავის ჩურჩულს,
მოღლილ სულისა მელოდისა თან წაატანდა,
გაბედითებულ აღმა-ფრენას, სწრაფვა-სიხარულს
წამს იფიწყებდა... იღიღინებდა შვების ჰანგადა.
სოფლით დევნილი, მინდობილი ბუნების წიაღს,
ბუნების მკერდზე ნეტარებით განისვენებდა,
მაგრამ კვლავ სევდა-კაემანი უწყებდა ციასს,
ოდეს აწმყოსა, მწარე აწმყოს გაიხსენებდა.
ოჰ, ამ დროს იგი განიცდიდა სულის ობლობას,
სამყაროს კიდეს გასცქეროდა გაოგნებული,
ირგვლივ ჰხედავდა გამეფებულს: შურსა და მტრობას,—
და კვლავ ხალხისკენ მოუსვენრად ელტვოდა სული.
შორს-კი, სოფელი სოდომივით დაბინდულიყო,
ჰგავდა სიზმარეთს, უსიცოცხლო ძილის ქვეყანას,
შავი წყვილიად, მინდორ-ველად მოფენილიყო,
სიკვდილის სული, საიდუმლოს უმღერდა ნანას.
ოდეს მნათობი, ღრუბელთ შორის სხივთ გააკრთობდა,
გულს გაუთბობდა გაცივებულს, ტანჯულ მხარესა,
ბილწი დემონი, წამსვე სასტიკ ბნელს მოუხმობდა,
დაამსგავსებდა მთელს ვარემოს შავს სიზმარესა.
ადამის მოდგმა, სიბნელეში ჩიავდებოდა,
მიწისა ფერი დასდებოდათ კაცთა აჩრდილებს,
ყველას გულიდან, უსასოო კვნესა ჰხდებოდა,
ცხოვრების აზრი დაჰკარგოდათ კისერ წაწვდილებს.
საბრალო დედათ ძუძუებში რძე გაშრობოდათ,
საკმაო საზრდოთ ვერ აწვდიდნენ თვისთა პატარათ,
სიცოცხლის ნაცვლად სულ სიკვდილი ელანდებოდათ,
მათი ქვითინი გაისმოდა გლოვისა ზარათ.
ცხოვრების მიზნად გაეხათათ—სევდის სიმღერა,
ლექსებს უთხზავდა საამისოს ვინმე მგოსანი,
ხალხის გულისა ძგერა იყო მის გულის ძგერა,
მათთვის სიმებსა აღნებოდა შუბლ-სხივისანი.

ვინმე მგოსანი:

ცხოვრების ზღვას უხმოდ სძინავს,
მღუმარებენ ირგვლივ მთანი,
ავსულთ რაზმი ზეცათ ჰფრინავს,
ზეცათ ჰფრინავს კაეშანი.

სიკოცხლის მზე ჩაიფერფლა,
ფიქრმა მოჰკლა აღმა ფრენა,
ნუგეშია აწ—ვაგლახი,
ნუგეშია—ცრემლთა დენა!

დახშულია ლტოლვის გზები,
კაცთ მიზანი,—დარბეული,
შეგების სხივებს ველარ გვსტყორცნის
სიყვარული დაქცეული.

მოკვდა... სასტიკ უკუნეთში
აზრი უქმად ნიაველება,
ბრძოლის ხმები ჩაიძირა,
სათნობას სული ჰხდება!..

თავისუფლების ღმერთა გრძნობით ისმენდა ამას,
ისმენდა კაცთა უბედობას, იმათ გასაჭირს,
მაგრამ უდროოდ გულ-ზევიადი არ შფოთდებოდა,
თავს იკავებდა ვით შეშეენდა სულ-გრძელს, დიად გმირს.
თანაც თავისთვის, იღუმალად ემზადებოდა,
დღე განკითხვისა, დღე ომისა ახლოვდებოდა,
შორს, ცის წიაღზე, ჯოჯოხეთის წყვედიადა შორის,
საგანთიადო რაღაც სხივი, ნელად ჰკრთებოდა.

6. ჩხიკვაძე.

(შემდეგი იქნება)



პატარა ფელეტონი

თავიბი.

ჰოი განგებავ! ჰაეროპლანი
(ჩვენს დროში ბევრთა ტრფობის საგანი)
სულ ულოდნელად გარდმომევილინა,
ფრთებზე შემისვა და... გამაფრინა.
მივჭრი და მივჭრი, განქარდა ფიქრი,
ჰაერზე ქარსთან მომიხდა ომი,
გავსციდი სუფსასა, გავსციდი ქობულეთს,
აჰა, გამოჩნდა კიდევ ბათომი.
დავევი ნელა, (სუნთქვა მენელა)
გულსა მოეშვა, ამოიქშინა,
ვით კვებურამ, დიდუბის ღოღზე,—
მიწას დაეაწყდი უპრავის წინა.
მომაწყდა ხალხი, (არ მეთქმის ძრახი)

ჩემას¹ შემეძახდა გარს მონახოვი,
თანაც ფხიანად, თავზიანად
წინ მომგება ანდრონიკოვი.
მითხრა სალამი, ვითა ქათამი,
პატეის ნიშნად ამიფხაკურდა,
მომართა ენა, რეზ იწყეს დენა,—
ვერ კი მივუხდი, ჩემგან რა სურდა.
მაგრამ დაბოლოს შეველთ დარბაზში,
გამაძნო რაც რომ ელაგა თავში:
— ცული დღე მადგას, პატარო ჩემო,
„პოლ-კაპეიკის“ ვერ ენახე გემო,
კრული ვირთხები გვყავს განახშირი,
მუსრსა ვაგავლებს აწ შავი ქირი.
წახნა ეგ ჩემი საბრალო თავი,
ისემც წაგხიდეს მტერი და ავი.
მეწყინა ესა, აღმომხვდა კენესა,
ტელეფონითა ვიხმობ ბლიკვაძეს,

გვიშველე სტვირი, გვაშორე ჭირი,
 თორემ ქალაქი ლამის გაბახდეს.
 ბლიკვადე პასუხს იძლევა მწყრალი:
 — სიცხე აქვს, ცივი მიასხით წყალი,
 ცხვირში უფუტეთ, ნოროოს ნეხვი,
 ჯიბით აქამეთ ქანქარის ძეხვი.
 თანაც შესწირეთ მსხვერპლად ეურული,

უბრავის დამაც ზედ მიიყოლეთ,
 და პირობას ვდებ განიკურნება,
 მოველინება კარგი გუნება!
 შეეუღლე საქმეს, იმ ერთსა ღამეს
 ვაი-ვაგლახი დამატყდა თავსა,
 მაგრამ ქანქარის ძეხვი ვერ ვბოვე,
 ცარიელ იყო ქალაქის კასა!



და რა უბრალოდ დაეყე მუნ ხანი,
ისევ მოვმართე ჰაერო-პლანი.
ავი დარია... ზღვა ჰქუხს და ჰქოთსა,
ვუახლოვდები თან და თან ფოთსა.

ჰა, დავაყარე მალლით ძირს სიო,—
ამ დროს ქუჩებზე არ ჩნდა არ ვინა,
ქალსა და კაცსა, ძაღლებს და ვირთხებს
ბინა ეჩინათ უბრავს შინა.

მუნით მომესმა ნელი ღიღინი,
გულში ვიფიქრე: ლხინია, ლხინი!
მაგრამ ეგ ექვი მე გამეწილა,—
აი საქმე თუ რაში ყოფილა:

ამას წინაზე, მსუნგ ვირთხებზე
ნიკომ რომ აღძრა ცულ-საჩივარი,
ბაქოს, ბათომის, თფილის-ფოთისა.
გაბრაზებულან ვირთხათა ჯარი.

და უფრენიათ დებუტაცია,
გავიგონ ნიკო თუკა კაცია,
რომ აგრე ურცხვით და უტიფრათა
ომსა უცხადებს მით ურიცხვ სპათა.

და ჰა კრება... თავ-მჯღომარეობს
მით უხუცესი ვირთხა ქაღარა,
ნიკო იონა, კოწო ბატონი,
ამყოლნიც, ყურსა უგდებენ წყნარა.

წარმოსდგა ისა და ბრძანა მყისა:
— ეს რა ბრალდება გინებებით,
მთელი ქალაქის ავლა-დიდება
ერთ-მეორისთვის გიბოძებით,
საწყალი ხალხი ძვალზე დაგიხრავთ,
ამოგიხდით პირიდან სული,
და უტიფარნო ბრალსა გვედებთ ჩვენა,
როცა თვითონ ხართ პირ-შემტურული?

მეორე ვირთხა:

— „სიტყვა ჩემია!

(თავ-მჯღომარე ნებას აძლევს: ვირთხავა ზედ სკამ-ზე დადგება, კულს იონას წინ ჩამოდებს, წელში გას-წორდება და დაიწყებს).

— „რა საქირა ბევრი კამათი,
დროა გადაწყდეს საქმე ამითი,
რეზოლაუცია გამოვიტანოთ:
ემბოს ყველას როზეი ათ-ათი!
არც ერთ ჩვენგანსა მთ კისის ახლო
თითქმის აღარც კი გავვიარია,
მაგ უტიფართ კი ქვეყნის წინაშე
სრულად მოჯაყეს ჩვენი გვარია.

მესამე ვირთხა:

ამა ბრალდებამ ჩვენ გავვარეტა,
ყოველ მხარეში დავიწყეს ქლეტა.

საბძღებ-ბელღებში არ გაგვცარეს,
და ბრალი მინც გვიძლოდეს ნეტა!
არა!.. დროა რომ ვიძიოთ შური!..

მეოთხე ვირთხა:

— „აი, რა გითხრათ, დამიგდეთ ყური:
აქ გარეშენიც ბევრნი არიან,
და თუ იმათიც მოგვეცეს დასტური,
ყველა ბრალ-მდებელი გავუქრათ კუჭი,
შენ კისერ-ქრელია, ჩვენო „დობტურო“,
აპერაციას უნდა უყურო!
თუ აღმოუჩნდათ ოქროს ნამცეცი,
მთ მივაყენოთ ტანჯა ახს კეცი.

ვართხათა კრება:


თანხმა ვართ ყველა, აგრე მოვიქცეთ!
(ნიკოლამე, იონა და სხვები ერთმანეთს ჩუმით)

— „აჰ, საქმე წახდა, დროა გავიქცეთ“!
და როს ვირთხებმა იმარჯვეს დანა,
ფეხზე წამოდგა მათი „დობტური“,
ამ დროს ერთმაშად მისციენდენ კარებს,
ასტყდა დარბაზში აურ-ხაური.

წინ ნიკოლამე, უკან ყელ ქრელი
ავერ იონამ იწყო ბრახუნი,
გაცხარდა ომი, ცემა და ტყემა,
ისმის სახარი თავგთა წრუწუნი.
მე თავს უშველე... ქუთაისისკენ
შეშინებულმა უცხად პირი ვქენ,
მსურდა მენახა იმათი თავი,
სამეცნიერო ნაგვის მქექავი.

აი, ის პირი ჩემო მკითხველო,
მარილამე რომ შეხდა ტყავი!
გავლიე კიდევ ჰაერათ გზანი,—
ქუთაისში მყავს ჰაერო პლანი.

დემონი.



სხალი ამბები

(კვირიდან კვირამდე)

ი. ს. ჯაბადრის არ დამტაცებდა. ამას წინათ თფილისის ქალაქის გამგეობის წევრათ არჩეული ი. ს. ჯაბადარი თფილისის გუბერნატორმა არ დამტაცია ამ თანამდებობაზე.

შავი ჭირი ბათუმში. — საშინელება სენმა კვლავ იჩინა თავი ბათუმში. ამ დღეებში იქ ავად გახდა ორი კაცი. ერთი მათგანი არდავანის პოლიკის ჯარის კაცი. ავადმყოფები ქალაქის, ვადაძვბე სენით ავადმყოფთა საავადმყოფოში წაიყვანეს.

გაზეთი „თემი“ — 10 იანვარს გამოვიდა ორ შაბათის გაზეთის „თემის“ პირველი ნომერი. როგორც მოწინავე წერილიდან სჩანს გაზეთს ბევრი კეთილი განზრახვა აქვს. თუ გაზეთის მრწამსი გულწრფელი აღსარებაა, ვეკვობთ საორშაბათო გაზეთთა შესძლოს ასეთი ფართო და „უპარტიო“ პროგრამის ასრულება. დაეუცადოთ შემდეგ ნომერებს. ჯერ კი ვუსურვებთ გამარჯვებას.

ორმოცი მუშის დათხოვა. — ეს რამდენიმე წელიწადია თფილისის ტრამვის ახალ-ახალი დირექტორები ევლინება. ისეთი დირექტორი ჯერ არ მოსულა, რომ პირველი ნაბიჯი მუშების წინააღმდეგ არ გადაეღვა. ეხლაც ახალმა დირექციამ ჯერ ჯერობით ორმოცი მუშა დაითხოვა.

დიდი თოვლი ქუთაისში. როგორც ქუთაისიდან გვატყობინებენ იქ დიდი თოვლი მოსულა. 5 იანვრიდან სამი დღის განმავლობაში განუწყვეტლივ სოვდა. 7 და 8 იანვარს მოსწავლეები ვეღარ მისულან სასწავლებელში. მოძრაობა სრულიად შესწყდა თურმე ქუჩებში. ბოქვა წყალი სამი აბაზი გახადეს მეთულ-უბეებმა. ვაჭრებმაც ღრო იშოვნეს და სანოვაგეს აუწიეს.

საყურადღებო ამბები

სოციალისტების გასამართლება იაპონიაში. ქ. ტოკიოში დასრულდა 26 სოციალისტის საქმის გარჩევა. მათ აბრალდდენ იმპერატორის წინააღმდეგ შეთქმულებას.

ბრალდებულთაგან 4 — სოფლის მეურნეა, 3 — მღვდელი, 2 — ჟურნალისტი, 1 — ექიმი, 6 — მუშა. წლივანობით უმრავლესობა 30 წლისაზე მეტს არიან, ზოგი 50-55 წლისაც კი არის. მათ შორის ერთი ქალია კანო სუგა, ცნობილი ჟურნალისტკა.

საქმის გარჩევა 20 დღეს გაგრძელდა. სასამართლოს დარბაზში გარეშეთაგან არავინ არ შეუშვეს ყველაფერი დიდის საიდუმლოებით იყო მოცული. მოსამართლეებმა მუქარის წერილი მიიღეს სოციალისტებიდან.

როგორც იაპონიის გაზეთები აღნიშნავენ ია

პონიის ცხოვრებაში ეს პირველი მაგალითია შეთქმულობის.

სოციალისტურ პარტიის დამაარსებელი და შეთქმულობის მეთაური ყოფილა მწერალი კოტოკი, რომელმაც სასტიკათ გაილაშქრა „რუსეთ“ იაპონიის ომის დროს, ომის წინააღმდეგ. ომის გათავების შემდეგ კოტოკი გაემგზავრა სან-ფრანცისკოში, სადაც გაეცნო ამერიკელ სოციალისტებს და მათი მოძღვრების თაყვანისმცემელი შეიქნა. ამერიკიდან კოტოკი დაბრუნდა სამშობლოში, რომ შეედგინა სოციალისტური პარტია. მან გადათარგმნა იაპონურ ენაზე მსხვილი სოციალისტური ნაწარმოები და მათ შორის კრაპოტკინი.

ბოლოს სასამართლომ გამოიტანა განაჩენი, რომლითაც 24-ს სიკვდილით დასჯა გადაუწყვიტა.

კონტრ-რევოლიუცია პორტუგალიაში. პორტუგალიის მეფის და მისი მემკვიდრის ტრადიკულად სიკვდილის შემდეგ ტახტზე ავიდა ღონ მანუელი, ღონ კარლოსის მეორე შვილი. მემკვიდრეთ გამოცხადებულ იქმნა ღონ მანუელის ბიძა ალფონს ბრაგანსკი.

თუმცა წინათაც არ ეძინა და ტახტის ხელში ჩაგდებას სურვილი მოსვენებას არ აძლევდა ალფონს ბრაგანსკის, მაგრამ რევოლიუციის შემდეგ უფრო ენერგიულათ შეუდგა საქმეს, იშოვნა მომხრეები, შეადგინა ჯარი და როგორც სატახტო ქალაქის გაზეთები გვატყობინებენ, მას უკვე დაუჭერია პორტუგალიის ჩრდილოეთი ნაწილი.

მის წინააღმდეგ გაილაშქრა გენერალმა ალვარესმა მფრინავ რაზმებით და ალფონსის ჯარს საგრძობელი ზიანი მიაყენა. ასე რომ ის დღეს საშიში არ არის, მაგრამ სამაგიეროთ თავი წამოაპყრო, ისევ ღონ მანუელმა, პორტუგალიის ყოფილმა მეფემ. როგორც მადრიდიდან მოსულ ცნობებიდან სჩანს იქ მისულა ღონ მანუელი და ემზადება პორტუგალიაში წასასვლელათ, რადგან ზოგიერთების რჩევით ეხლა საუკეთესო მომენტია ტახტის ხელში ჩაგდებას და მონარქიის აღდგენის. თვით პორტუგალიაში დიდი ამბებია მონარქისტებში გაცხარებულ აგიტაციას ეწვეიან. ხალხი მეტათ აღელვებულია. ამ დღეებში ბრბომ განანდგურა მონარქიულ გაზეთების რამდენიმე რედაქცია. თუმცა გაზეთები აღარ გამოდის, მაგრამ სამაგიეროთ ჯარში და ხალხში აუარებელ მონარქიულ პროკლამაციებს ავრცელებენ. ამბობენ, რომ ღონ-მანუელმა უკვე ნახა თავის მომხრეები.

ასე, რომ პორტუგალიის პოლიტიკურ ჰორიზონტზე უკვე ამოცურდა რეაქციის შავი ღრუბე.

ლი და თანდათან დიდდება. შეიძლება ახლო მომავალში ევროპა კიდევ უარეს სისხლის ღერის მოწამე გახდეს პორტუგალიაში.

ბეჭდვითი სიტყვის მოხელენი. მინისტრთა საბჭოს თავმჯდომარე სტოლინის ინიციატივით, ზოგიერთ ვებერნატორებთან არსდება საგანგებო მოხელეთა თანამდებობა ამ მოხელეებს დაევალებათ სასტიკი თვალყური ადევნონ ადგილობრივ ქურნალ-ვაზეთებს და თვეში ერთხელ თვით მინისტრთა საბჭოს თავმჯდომარეს წარუდგინონ ანგარი ადგილობრივი პრესის მოქმედების შესახებ.

საპროტესტო მიტინგები. იაპონიაში 24 სოციალისტს შეთქმულობის გამო სიკვდილით დასჯა გადაუწყვიტეს ამის გამო ჟორესი, გედი და პრესსანე საპროტესტო მიტინგებს მართავენ საფრანგეთში.

მოწერილი ამბები.

(პროვინცია).

ქიათურა. ამ ბოლო ხანებში ქიათურაში ძალიან გახშირდა მკვლელობა. სულ ცოტა ხანში მოჰკლეს მოიჯარადრე ილიკო ბახტაძე, მრეწველი ვაჭაძე, დასქრეს ოფანა ჩიკაშუა, ამ დღეებში მოჰკლეს ნოქარი ვლადიმერ ლომაძე და სხვა. ქვენა აზრებით, პირად ინტერესებით გამსჭვალულნი, სინდის გარეცხილი ადამიანები არავითარ ბინძურ საშუალებას არ ერიდებიან, ოღონდ პირადად თავიანთი მდგომარეობა გაიუმჯობესონ. ეს მხეცი ადამიანები ისე ჩაუყლაპავს სიკოცხლის სურვილს, რომ სხვის სიკოცხლს ჩაღად ღარ აფასებენ, ოღონდ ოჯათონ იკოცხლან, ოღონდ თვითონ ჰქონდეთ სახრავი და მზათ არიან მთელი ხალხის სიკოცხლზე შეიწირონ, მზათ არიან ყელი გამოღადრონ ყველას. ეს, ადამიანის სისხლის მსმელები, ეს ქიათურელი კანები არ სჯერდებიან თავიანთ მხეცურ მოქმედებას და მოუსპობენ თუ არა ვინმეს სიკოცხლს ხმებს ავრცელებენ: ესა და ეს მუშებმა მოჰკლესო. ასე მოიქცენ, როცა მოჰკლეს ზემოწამთვლილი პირნი. ასე მოიქცენ ეხლაც, როცა მოჰკლეს ჯანდონით სავსე ახალგაზრდა ვლადიმერ ლომაძე, მათი ქან-გადაკრული გული ვერ ატოკა უმწყობთ დარჩენილი მოხელი დედის, ახალგაზრდა ცოლის და წვრილი შვილების საცოდაობაში.

ჩვენ, ქვემოთ ამაზე ხელის მომწერნი, საშინელ გულისწყრომას, უსაზღვრო ზიზღს და სას-

ტიკ პროტესტს ვუცხადებთ ქიათურელ იმ კანებს, რომლებიც ასეთ საზიზღარ მკვლელობას სჩადიან და სხვებს სდებენ ზრალს. ჩვენ ვფასებთ სიკოცხლს, სასტიკი წინააღმდეგი ვართ ყოველგვარ მკვლელობის და მით უმეტეს ასეთი საზიზღარის.

ქიათურელი მუშები: 1) ი. ხუციშვილი, ვ. ბურაძე, ელიზბარ წულაძე, ალექსი ნაცვალაძე, კალენიკ ბერძენიშვილი, მითა შთენილი, სოფრომ ტეიშვილი, T. Пейковხ, ვლადიმერ ჯიბუტი, რომანოზ რამიშვილი, სავე თოდრია, სილოვან გოგუაძე, სერაონ კოპალეიშვილი, სარდიონ კაკაბაძე, მიზა წიფვიძაძე, პავლე პეტრიაშვილი, სიმონ ტყონია, სიმონ იმერლიშვილი, სიმონ კარელიძე, ყარამან ხუციშვილი, ვასო (გვარი ვერ გავარჩიეთ) კირილე სიხარულიძე, პორფილე ხაქარეიშვილი, ნატალია სიხარულიძე, ნიკო კაკაურძე, ვანო მელიქაძე, რემანოზ გვარდუხანი, მიხაილ სვანიძე, დიმიტრი ჯავნიძე, მიზა რუიშვილი, მაქსიმე კინწურაშვილი, პლატონ ასამბაძე, თედორე (გვარი ვერ გავარჩიეთ), ვარდენ მამაგვიშვილი, პავლე შუამბერაძე პორფილე (გვარი ვერ გავარჩიეთ), დათა ბარკალაია ადამ ძიძიშვილი, კ. ვაჩიშვილი, ბიქტორ დლოძი, ქრისტეფორე ჯულაყიძე, მიზა ნახუცრიშვილი, იონა ბელიაშვილი, გერმანე გაჩეჩილაძე, ლ. სიხარულიძე, ბიქტორ დლოძი, ალექსანდრე კოტრიკაძე.

დამბეჭვითებით ვსთხოვთ „ზაკავკასიე“-ს და სხვა რუსულ გაზეთებს გადაბეჭდონ ეს წერილი.

თეატრი

ქიათურის თეატრი.

წელს ჩვენს სცენას სიკოცხლე დაეტყო, ამას ქიათურის დრამატიულ საზოგადოებას უნდა უმადლოდეთ, რომლის ხელშიდაც არის დღეს თეატრი. (საზოგადოების დაარსებამდე აქაური სცენა მრეწველთა საბჭოს ხელში და ხარჯით იყო, ეხლა კი დრ. საზოგადოებას წლიურ დახმარებას აძლევს). დრამ. საზოგადოების უმთავრესი სიკეთე იმაში გამოიხატება, რომ მან მოიწვია ქიათურის სცენაზე ადგილობრივ სცენის მოყვარეთა გარდა ორი ანტისტიკ, მათ შორის ახალგაზრდა რეჟისორი—წუწუნავა. მკითხველებს ალბათ ახსოვს, რომ ბ. წუწუნავამ შარშან თბილისელები ძალაპარაკა თავისი ნიკით რეჟისორობაში, ისევე მოხდა აქაც. ისეთი მხატვრულათ აწყობა დეკორაციებისა სცენაზე, ისეთი ხელოვნური გრიმიროვკა და ისეთი მწყობრი ანსაბლი წარმოდგენაში, როგორსაც ვხედავთ ქიათურელები, წუწუნავის მოსელის შემდგვ, მგონი აქაურებს კი არა და თბილისისა და ქუთაისშიდაც იამეზოდათ. ყველა ეს ასე იშვიათია დედა ქალაქებშიდაც და ამას ახერხებს პატივცემული ახალგაზრდა რეჟისორი ქიათურის ღარიბი სცენით და სცენის მოყვარეებით, რომლებსაც სცენისათვის მხოლოდ სამსახურის შემ-

დღე სკოლიათ. ყველა ამან კი გამოიწვია სცენის გამოცოცხლება, ასწია თეატრის ავტორიტეტი: თუ აქამდე ქიათურის თეატრიც ნახევრათ იგსებოდა, დღეს ტყეა აღარსად არის და არც ერთ სპექტაკლზე ბილეთები აღარ იშოვება 6 საათის შემდეგ; მუშები მაინც გასაოცარ ინტერესს იჩენენ თეატრის მიმართ. ხშირად ისინი მოწინავე მუშას (კულტურულ დაწესებულებებში მომუშავეს) ან ნაცნობ ინტელიგენტს საშველს არ აძლევენ თეატრის წინ: „გვიშველეთ, რამდენიმე კონტრამარკა მაინც გვიშონეთ“ო მაგრამ ამათ, ყოველივე ვე უნაყოფო ხდება, რადგან თეატრში აღადგი არ არის. ამ გარემოებამ უკვე ალაპარაკა გულშემბტკივარნი და დაიბადა ახრი საკუთარი შენობის აგებისა თეატრისათვის, რადგან მოზრდილი შენობა საქირავებლათ არ შეიძლება ვიშონათ. ვუსურვოთ წინსვლა სცენას და ენერგია ქულშემბტკივართ, რომ მომავალ წელს მაინც გვექონოდეს ფართო, მოწყობილი თეატრი. საქირაო ინიციატივა და საშუალებაც გამოჩნდება. ჩემის ფიქრით ამისთვის უნდა შეერთდეს ყველა კულტურული დაწესებულებები და ერთათ იმოქმედონ. **სახალხო სახლის აშენებაზე თეატრით**, აი სამუშაო, დღეს, ქიათურის ინტელიგენტებისათვის.

2 იანვარს, წარმოადგინეს გამომთარგმნილი დრამა სამ მოქმედებათ „ბრკყალები“ ერკვისი. პიესა, როგორც მკითხველებსაც ესმოება, სიანტერესსა, ეება დღევანდელ ქორწინებას, ოჯახს. ტემა ძველთა-ძველი და ისევე ახლად ახალი.

ჩვეულებრივ კარგათ შესარულა თავისი როლი ქნმა ქილარჯიშვილმა (ირინე) განსაკუთრებით საუცხოვო იყო მეორე მოქმედებაში და მესამეს პირველ ნახევარში. საზოგადოთ საუცხოვოთ თვე დავიწყებით და გრძნობიერათ ატარებს ისეთს ადგილებს, სადაც სასოწარკვეთილება ან თავგანწირვა უნდა დახატოს. ზოგ პიესებში მან ასეთს დროს საესებით შესძლო ხოლმე დავიწყებია მაყურებელთათვის, რომ სცენას უყურებდენ და არა ნამდვილ დრამებს და მით იწვევდა ხოლმე ცხარე ცრემლს და შემდეგ აღფრთოვანებულ ტაშს. ასე გაიტაცა მან ამას წინად „უბედურ ნაბიჯში“ საზოგადოება და გამახსენა წარსული: უნებლიეთ ამოვიძახე „ქნი გვეტაძე გაცოცხლებულა“ო. სამუშაოთ ასევე ვერ დავიხატე მესამე მოქმედების მეორე ნახევარში ქმარზე გამარჯვებული ცოლი, რომელსაც ქმარი ათი წლის განმავლობაში თავის მოქმედებით, ყერდობა რა კანონებს, ფეხ ქვეშ უთელავს გრძნობებს და რომელიც დღეს ხელავს ქმრის ტანჯვას და მისი გრძნობების გათელვას ამავე კანონის შემდეგ.

ობით, ამ მომენტში ის უნდა ბრწყინავდეს ირონიული გამომეტყველებით და ზვიდან ელაპარაკებოდეს კაცობრიობის წარმომადგენელს—ქმარს. ეს ვერ დახატა ღირსეულათ მან, რაც შეუწინავე არ დარჩათ მაყურებლებს. კარგი იქნებოდა აგრეთვე, რომ ქნი ქილარჯიშვილი ეცდებოდეს შეიტანოს სხვა და სხვაობა ტიპებში. ერთგვარი მიმიკა, ერთგვარი მიხვრა-მოხვრა წარბებ-თვალებისა და სხვა ყველა ტიპებში, ყველა ეს ხელს უშლის მაყურებელს მოცილდეს ქილარჯიშვილს და გადვიდეს ოცნების მორევეში. მე მრწამს რომ ქილარჯიშვილის ნიქს შეუძლია ამის გასწორება.

გვარიანათ ჩაატარა თავისი როლი ბ. ანთელიძემ (ფერვან). გვარიანათ თქო ვამბობ მით უფრო, რომ ის შედარებით კარგი იყო დღეს, ვინემ სხვა დროს. სცენაზე დიდი ხანი არაა რაც გამოვიდა და ყოველ გამოსვლაზე ეტყობა უკეთესობა ჯერჯერობით მისგან მეტის მოთხოვნა არ შეევიძლია საზოგადოთ, მაგრამ საწული უფლება გვაქვს მოვთხოვოთ როლების დასწავლა. ესევე თამაშათ შეუძლია მისგან მოთხოვოს რეჟისორმა როგორც მასწავლებლისაგან (ისიც ხომ ასე სთხოვს ხოლმე მოსწავლეებს გაკვეთილის დასწავლას?). თუ თავი არა სუფლიორი მაინც შეიცოდოს.

ჩვეულებრივ სასიამოვნოთ თამაშობდა ბ. წუწუნავა (ვლანტონ) ის ხან გამოშვებ იღებს თითონ როლებს, მაგრამ როცა აიღებს, ისეთს შეფერებულს, რომ მარტო გამოჩენაც სცენაზე საზოგადოებას აღფრთოვანებაში მოიყვანს ხოლმე. ქიათურლების ყურადღებას პირველათ იქცევს ისეთი თითქოს უბრალო როლები, რომლებსაც აირჩევს ხოლმე ბ. წუწუნავა, რომელიც მიმიკით უფრო თამაშობს, ვიდრე სიტყვებით, რასაც ხელს უწყობს ხოლმე საუცხოვოთ მოწყობილი გრიმიროვკა. იმისი თამაში სანიშნულად უნდა ჩაითვალოს.

ქნი ჩხვიძე (მარიამ) შეძლების დაგვარად ხელს უწყობდა ანსაბლს. სამუშაოთ ეს ქალი ჯერ კიდევ ვერ მიეჩვია აგრეთვე მიმიკასა და მანერას, ორივეში არაბუნებრიობა. მას დაჩემებული აქვს ლაპარაკის დროს ტანის რხევა: რამდენ სიტყვას იტყვის, იმდენს წინ გადისრება წელზევით და ასე ქანაობს ლაპარაკის დროს. წინსვლა მასაც ეტყობა, თუმცა ნელი ნაბიჯით. საქირაო მეტი შრომა.

გვარიანი იყო ბ. გაჩეჩილაძე (სტუდენტი დავერნიე). ეს ახალგაზრდა სუფლიორია (და ქებული სუფლიორიც), როლს კი მაონი მეორედ იღებს და ამიტომ ბევრი არაფერი გვეთქმის თორემ მინდოდა მეთქვა კარგი მომავალი უჩანს თქო.

დანარჩენ ჩვენ სცენათა-მოყვარებებზე ვიტყვი,

შემდეგში ხოლო ესაა უნდა შევნიშნო რეისორს (თუმცა ვინ იცის, იქნებ არცაა იმის ბრალი), რომ გუშინდელი გრიმი ირინესი წინააღმდეგობა იყო პარიკისა და მისი თავგადასავალისაც: „აათი წლის ტანჯვამ თმაში თეთრი თუ გაურია, რატომ ერთი ხაზი ვეღარ დაასვა პირისხეზეო“-ო, ამბობდნენ პარტიკში.

დრამის შემდეგ, თბილისიდან აქ სტუმრად მყოფმა სცენათა მოყვარებებმა (რუსებმა) ადგილობრივების დახმარებით წარმოადგინეს ჩხოვივის [ვლადიკოვსკის] „იუბილეი“ რუსულათა და სავანგებოთაც ჩაატარეს, რითაც ასიაშოვნის დამსწრე საზოგადოება.

გამგებობის საყურადღებოდ უნდა აღვნიშნოთ, რომ წესრიგი ძალიან ირღვერა ხოლმე თეატრში მთავარი კაცების შემოღვებით. ყველგან ასე იქცევიან: მთვრალს, თუნდაც ბილეთი ჰქონდეს, არ შემოუშვებენ და თუ შეეპარათ, გაიყვანებენ. ასე უნდა მოვიქცეთ ჩვენც.

ლ—ა

სახალხო სახლი.

12 იანვარს სახალხო სახლში სცენის მოყვარებებმა წარმოადგინეს კონან-დოილის პიესა „შერლოკ ხოლმისი“. „ზოგჯერ თქმა ჯობს არა თქმასა, ზოგჯერ თქმითაც დაშავდებილო“ ამ შემთხვევაში ჩვენ ვიტყვით რომ „ზოგჯერ არ თქმა სჯობს თქმასა“... მხოლოდ გავაძინებდებით და ვიკითხავთ: ვისთვის ან რისთვის საჭირო იყო „შერლოკ ხოლმისი“? საზოგადოთ პიესა უფერულათ დაიწყო და უფერულათ გათავდა. არა უშავდა მხოლოდ ფირუმიანს. ქ-ნ ჩერქეზიშვილის სისუსტე იმას უნდა მიეწეროს, რომ ის მოუშხადებლათ სხვის მიგვიერ გამოვიდა სცენაზე.

ს—გა.

მუშა შეკერიოვი

(არცობა შევიხა)

ამ დროს მივიდნენ მასთან ზოგიერთები და უამბეს გალილეელების ამბავი, რომელთა სისხლი პილატემ მსხვერპლს შეურია.

იესო ქრისტემ ამაზე უპასუხა: თქვენ ფიქრობთ, რომ ის გალილეელები ყველა გალილეელებზე უფრო ცოდვილი იყვნენ, რომ ასე დასაჯეს? არა, მეტყვით მე თქვენ: ხოლო თუ არ შეინანიეთ ყველანი ასე დაიღუპებით.

სახ. ლუკ. თავი 13.

სალამოს ეამს, როდესაც ოთხ სართულიან სახლის კიბეზე ნელ-ნელა ჩამოწვა სიბნელი, ერთი ბინის კარებთან ვიღაცამ ზარს ჩამოაკრა.

ძველ კარებს იქით, რომელსაც შიგნიდან ტილოს ნაქრები ჰქონდა აკრული, გაჯაგრებთ ატირდა ძველი ზარი; ის ღიბხანს არ მშვიდდებოდა ისე გულ საკლავი ხმით ზუოდა, როგორც ობობას ქსელში გახლართული მწერი.

კარებთან უძრავათ იღვა ვიღაც კაცი. ზარის ხმაზე არავინ არ გამოდიოდა. იქვე მის გარშემო დადიოდა გამხდარი კატა, მაგრამ უცნობი ისე გარინდებული იყო, რომ მან ვერც კი შეამჩნია ის. ამ დროს რომ მეორე ბინიდან გამოსულიყო ვინმე ამ შავი აჩრდილის დანახვაზე შეეშინდებოდა. პირველ შეხედვაზედვე ასე იფიქრებდა კაცი, რომ უცნობი რაღაც ცუდი განზრახვით იყო მოსული.

ეს ევბერთელა სახლი თავიდან ბოლომდე გაატენილი იყო, ქუჭუჩიანი, ავთაყოფი, მშვიერი და ლოთი ხალხით. მთელ სახლში საშინელი მყარალი სუნე იღვა. ქვედა სართულიდან ზნელ კიბეზე გაძაბულიყო სიბინძურით გაყვანილი ბურუსი და ნელ ნელა, ჩუმათ მიიპარებოდა ზევით. მთელ სახლში და ეზოში გულის დამღონებელი სიბნელე და მყუდროება იყო გამეფებული.

ხან გამოშვებით საღდაც შორიდან მოისმოდა ტრამაის ვაგონის ზარის ხმა და ეტლის რახარხი. ხანდახან სულ ქვემო სართულიდან, რომელიც ჯურღმულს წავაგდა, ისმოდა ბრაზიანი ხმები. ყველაფერს რაღაც ღიდი საიდუმლოების ბეჭედი ესვა. ასე გვეგონებოდა თითქო თითოეულ კარს იქით რაღაც საშინელი საიდუმლოება იმალებოდა.

ბოლოს ქვემო სართულში ქრიალით გაიღო კარები და ეს ხმა მთელ სართულს მოედვა. ვიღაც გარეთ გამოვიდა და ჩქარის ნაბიჯით ზემოთ წამოვიდა. როცა რამდენიმე ნაბიჯით ის დაუახლოვდა უცნობს, უცნობი შეინძრა.

— ვინ არის მან? უცნობი წამოიხახა ქვევიდან მომავალმა კაცმა და ამ დაძახებაში უზომო შიში გამოიხატა.

— აქ იძლევა ოთახი?.. თქვენ არ იცით?— მკვახეთ და გადაქრით შეეკითხა კარებთან მდგომი უცნობი.

— რა? ოთახი?.. არ ვიცი... მგონია უნდა იყოს. დარკეთ ზარი.

— კარგი ხანია ვრეკ.

— ემ! ჩვენ ისეთ ზარებს ვვაქვს, რომ სულ სხვაგვარათ უნდა დარეკოთ. აი!

ის მივიდა, მონახა სიბნელეში ზარის ხელი და ისე მავრათ ჩამოაკრა, რომ ზარმა ერთი საცოდავთ დაიხრიალა და გაჩუმდა. კარებს იქით მოისმა ფეხის ხმა. ცოტა ხანს შემდეგ ნახევრათ გაღებულ კარებში თავი გამოპყოა მოხუცმა დედაკაცმა.

— მაქსიმოვნა! აი ოთახს ჰკითხულობენ, — უთხრა ქვედა სართულიდან ამოსულმა გრძელმა, გამხდარმა სტუდენტმა და პირველი შევიდა კარებში. გაიარა დერეფანი და შევიდა თავის ოთახში. დერეფანში ისეთი მყარალი სუნია იდგა, რომ უჩვეულო ადამიანს სუნთქვა შეეზუთებოდა. აქა იქ მიყრილ მოყრილი იყო ძველი ნივთები. სტუდენტს არ გაუგონია რა პასუხი მისცა მოხუცმა დედა კაცმა უცნობს. მხოლოდ მაშინ მოაგონდა, როცა ტანთ გაიხადა და მარტო, გლეხურ, წითელ პერანგის ამბრა დარჩა შეეკითხა მოხუც დედაკაცს, რომელმაც ამ დროს სამოვარი შემოიტანა.

— მიეცით ოთახი მაქსიმოვნა?

— მადლობა ღმერთს, სერგეი ივანოი, მივეცი; მეგრე იცით რა ფასში? ექვს მანეთათ. ვგონებ წყნარი მღვდური უნდა იყოს.

— რატომ გგონიათ, რომ წყნარია?

— მოხუცმა დედაკაცმა გაკვირვებით გადახედა, ჩაიციხა და უთხრა:

— მე, სერგეი ივანოი, სამოცდა ხუთი წელიწადია ქვეყანაზე ვსტუმრობ და ყველაფერი მინახავს და გამომიცლია, ხალხის ნაყურები თითქმის დავბრმავდი კიდევ—სთქვა მოხუცმა დედაკაცმა და მწარეთ ჩაიციხა.

სტუდენტმა უნებურათ შეხედა მის დაბრმავებულ თვალებს, უნდოდა რაღაც ეთქვა, მაგრამ გაჩუმდა და როცა მოხუცი დედაკაცი წავიდა მივიდა უცნობის კარებთან და მიუკაცუნა.

— ეი, მეზობელო, არ გინდათ ჩაი ერთათ დავლიოთ? ა?

— სიამოვნებით!— მოისმა პასუხათ მკაცრი ხმა.

— მაშ, მიბრძანდით აქეთ.

სტუდენტი მირჯდა სუფრას, დაასხა ორი ქიქა თხელი ჩაი და კარებისკენ მიბრუნდა.

კარები გაიღო და ოთახში შემოვიდა ლამაზი სახის, ქეოა ახალგაზრდა, რაღაც ისეთი არა ჩვეულებრივი შესხედულება ჰქონდა, რომ ასე ეგონებოდა კაცს თითქოს. თვითოეულ მისს მოძრაობას ძალდატანება ეტყობოდა.

— ნიკო შევერიოვი—მტკიცე ხმით წარმოსთქვა მან.

— ალადიევი—მიუგო მასპინძელმა, გაულმა და მაგრათ ხელი ჩამოართვა სტუმარს.

შეხედულობით ალადიევი პსკოვის ან ნოვგოროდის გლეხის ბიჭს მოგავგონებდათ. დიდრონი ფართო ხელები, ფართო, მაგარი ზურგი, გრძელი პირის სახე, თხელი წვერი და რვეალათ შეკრეპილი თმა. ლაპარაკობდა ყრუ, ბოხი ხმით, ისე გადაჭრით, რომ ასე გვეგონებოდათ ბოხი ხმით ფიქრობსო.

— დაბრძანდით, ჩაის შევექცეთ და თან ვიბასოთ—მეგობრულათ უთხრა მან.

შევერიოვი დაჯდა, მისი ჭროლა, ლითონისებური თვალები ცივთ გამოიყურებოდნენ იქ თვალებში იოტის ოდენა ცნობის მოყვარება არ იხატებოდა, როგორც სხვებს აქეთ ჩვეულებათ, როცა უცხო ოთახში არიან. ალადიევი უმჯერდა შევერიოვს და ფიქრობდა, რომ ის თავის დღეში არ უღალატებს იმ მტკიცე გადაწყვეტილებას, რომელსაც მაგრათ გაედგა ფესვები მის გულში.

„ცნობის მოყვარე ყმაწვილია“ გაიფიქრა მან.

— თქვენ შორიდან მოსული ხართ?

— დღეს მოვედი ჰელსინგფორსიდან.

— სად არის თქვენი ნივთები?

— მე არავითარი ნივთები არა მაქვს, მარტო მხოლოდ საბანი, ბალიში და რამდენიმე წიგნი უკანასკნელ სიტყვების დროს ალადიევმა რაღაც განსაკუთრებულ ყურადღებით და აღერსიანათ გადახედა სტუმარს.

— თუ საიდუმლოება არ არის... რა არის თქვენი ხელობა, რას აკეთებთ?

— საიდუმლოება არ არის... მე ხარატი ვარ. ქარხნის დახურვის გამო აქეთ წამოვედი, სამუშაოს საქებნელათ.

— მაშ, უმუშევარი ხართ?

— დიას!— მიუგო შევერიოვმა და მის ხმაში რაღაც არა ჩვეულებრივი კილო გამოისმა.

— ბევრი ხალხი დადის უმუშევრათ, ძალიან ცუდი დრო დაგვიდგა. გიპირთ თქვენ ქეხლა?— თანაგრძნობით წარმოსთქვა ალადიევმა.

— მუდამ ვასაქირია— გულგრილათ უბასუხა შევერიოვმა— ჩქარა იმათაც გაუქირდებათ, რომლებიც ეხლა არხეინათ არიან— დაუმთა მან მუქარის კილოთი.

ალადიევმა ცნობის მოყვარეობით გადახედა.

„ეჰ! როგორც ეტყობა ეს სხვა ყმაწვილი უნდა იყოს. ეს საქმე უნდა განვქიყოთ.“ შეხედულობა საეჭვო აქვს, გაიფიქრა მან.

შევერიოვმა შენიშნა ალადიევის ცნობისმოყვარე თვალები, თავი ჩალუნა, ქიქაში ჩააშტერა. თვალები დე ნელა წარმოსთქვა— თქვენ სტუდენტი უნდა იყოთ. სწერთ კიდევ ვგონებ?

ალადიევი ცოტათი გაწითლდა

— რატომ ფიქრობთ ასე? რას უნდა ვსწერდე?

შევერიოვმა მოულოდნელათ გაიღიმა და ისე აღერსიანათ, რომ ვერავინ იფიქრებდა თუ ასე ამაყ შეხედულობის კაცს შეეძლო ასე გაიღიმა

— ძნელი არ არის მაგის გაგება, კედლებზე თქვენ მწერლების სურათები გიკიდიათ, თაროზე

წიგნები გიწყვიათ, მაგიდაზე დაწერილი ქალაღებში ვიღვეთ, მაგიდის ქვეშ დახეული ქალაღები ყრია. ყველა ეს იმას ნიშნავს, რომ თქვენ რაღაცას სწერთ.

ალადიევეს გაცინა, მაგრამ უფრო ყურადღებით დაუწყო კტერა სტუმარს. თვალები ეშმაკურათ აათამაშა, მაგრამ ეს ისე მოუხეშავით და გლვხურათ მოუვიდა, რომ ყველა შეატყობდა ეშმაკობას.

— მართალია, ვსწერ... თქვენ, კი, როგორც გატყობთ დიდი დაკვირვებული კაცი უნდა იყოთ. შევერიოვმა ხმა არ გასცა.

მეორე ოთახში ვიღაც დადიოდა, მისი ფეხის ხმა აშკარათ ისმოდა ალადიევის ოთახში. ალადიევი მა მოუკვდა მსხვილ პაპიროსს, გააბოლა და თან ყურადღებით უმზერდა სტუმარს.

შევერიოვი იჯდა წელში გამართული, და ნელ ნელა თითები ანძრევდა. მისში რაღაც არა ჩვეულებრივი ძალა გამოსჭვივოდა. ალადიევი ეს ხელათ შენიშნა. მის თვალებს არ გამოუპარა მისი გაუნძრეველათ ჯდომა და თითების თამაში და რამდენსაც მეტს უმზერდა, უფრო და უფრო იზიდავდა. მისმა ამგვარმა მდგომარეობამ ის საბოლოოთ მოხიბლა და მისადმი უზომო პატივისცემა და სიმპატია აღუძრა გულში.

მან თვალები ოდნავ დახუჭა, თითქო ბოლის გამო და ორპირივანათ წარმოსთქვა:

— დაკვირვება — ძვირფასი თვისებაა.

შევერიოვი მაშინვე არ უპასუხა, მხოლოდ თითები უფრო ჩქარა აათამაშა. ასე ეგონებოდა კაცს თითქოს მას პასუხის მიცემა არც კი სურდა. მაგრამ უცბათ, მოულოდნელათ მან თავი მიღლა აიღო და წარმოსთქვა

— მესმის რის თქმაც გინდათ.

— როგორ? — ძალაუნებურათ თითქოს დიზნა ალადიევი.

— თქვენ ცდილობთ გაიგოთ ჯაშუში ხომ არა ვარ... არა, დამზვიდლით. ასე არ შეიძლება... მე ხომ თქვენ ძალის არ გატანთ ილაპარაკოთ და არც ჩემის ნებით მოვსულვარ თქვენთან.

— აბა რა სათქმელია — დაიწყო ალადიევი მა ძალზე გაწითლდა.

შევერიოვი გაიღიმა. როცა ის იღიებოდა მის სახეს სულ სხვა შეხედულება ჰქონდა, ნაზი, რბილი

— არა, რატომაც... ეს ჩვეულებრივი მოვლენაა. მხოლოდ მე რომ ჯაშუში ვიყო თქვენ კითხვებზე ხელათ შეგატყობდით რისიღ გეშინიათ.

ალადიევი ერთხან დარცხვენით უყურებდა, შემდეგ თავი შეიფხანა, გაიღიმა და ხელი ჩაიქნია.

— დეე, ასე იყოს. დამნაშავე ვარ, რაღა დავიშალო! თქვენ თვითონ იცით რა დროა ეხლა. დასამალი კი მე არაფერი მაქვს.

— მე ვსთქვი „გეშინიათ“ მეტი და თქვენ კი ამბობთ „დასამალი“ — ო მაშ, როგორც სჩანს რაღაც უნდა იყოს.

შევერიოვი გაიღიმა.

• ალადიევი თვალები დააქცია და დაფიქრდა

— დიხ, — ნელა წარმოსთქვა მან — მაპატიეთ და თქვენ დიდებული ჯაშუში იქნებოდით. შეგიძლიათ გაიგოთ ადამიანის სულიერი მდგომარეობა.

— შესაძლებელია — სერიოზულათ წარმოსთქვა შევერიოვი და ხმაში უქმყოფილება დაეტყო — რასა სწერთ კიდევ? — შეეკითხა ის და აშკარათ დაეტყო, რომ ლაპარაკის ბანზე ავღებო უნდოდა.

ალადიევი საშინლათ გაწითლდა, თითქოს და ნაშაულებზე დაიჭირეს.

— მე? ისე... მე ხომ მხოლოდ ეხლა ვიწყებ მხოლოდ ორი მოთხრობა დავსტამებ... არა უშავს, აქებენ.

უკანასკნელი სიტყვები თითქოს გულგრილათ დაუმატა, ისე, რომ შევერიოვისთვის არც კი შეუხებდავს, მაგრამ მის სიტყვებში აშკარად ისმოდა სიხარულის კილი

— ვიცი. წავიკითხე. მგონია გლვხთა ცხოვრებიდან სწერთ. მასხვს.

სიჩუმე ჩამოვარდა.

(შემდეგი იქნება.)

შოსტა

წიგნი — ფ უ რ ხ უ ლ ს. ფრიად საშუალო მოვლენათ მიგვანჩნა რომ ვერეთ წოდებულმა „პოეტურმა“ სენმა ფართე ნიადაგი მოიპოვა ჩვენს ბედკრულ საქართველოში დაიჯერეთ, მეგობარო, რომ პოეტობა და მქადის გამოცხობა ერთი არ არის აბა ერთი გვეთხაროთ. თუ დმერთი გწამთ, (როგორც გატყობთ დმერთი არ უნდა გწამდეთ, რომ ასე დაგეტანჯეთ) რასა ჰგავს თქვენი ლექსის ეს ადგილი:

დასავლეთიდან მთოვარე ამოდიოდა მგლოვარე.

უბრალო სოფლის ბიქს, რომ ჰკითხოთ ის ავიხნით: რომ მთოვარე და მზე დასავლეთიდან კი არა აღმოსავლეთიდან ამოდის.

აბაშა — შ ა ვ დ ი ა ს. მივიღეთ თქვენი მოთხრობა „მღვდელი გაბრიელ კუნჭულია და მისი ჯორი“. სიმართლე უნდა გითხროთ თქვენი მოთხრობის კითხვამ ნერვები ავიშალა, მეტათ ავგაღვლევა განა შეიძლება, ყმაწვილო, ჩვენს დროში ასეთი

„საშინელი“ მოთხრობის დაწერა? მოთხრობა ბევრი წაგვიკითხავს, მაგრამ ისე მშვენივრათ დახატული, როგორც თქვენ საბრალო გაბრიელ და მისი ჯორი გყავთ აწერილი ჯერ არსდ შეგვხვედრია. „გაბრიელი დაბალი ტანის, მსუქანი მღვდელი იყო. მისი მუცელი ორმოცი ფუთი გამოვიდოდა (ამ ან გილის წაკითხვაზე თმა ყალყზე დაფივდა, თვალწინ წარმოგვიდგა ბაყაყ მღვეი), რაც ქვეყანაზე საკურთხი იყო ყველა მას ჩაეყლაპა (მოდი და ნუ შეგეშინდებთ ამ სიტყვების შემდეგ) პატარა თავი, გრძელი თმა, წვრილი თვალები, მისი ჯორი ძალიან გამხსარი იყო, კუდზე სამი ღერი ბლანდი ჰქონდა, როცა გაბრიელ იჯდა ზედ, ფეხებს ძირს მიათრევდა, თუ ტალახი შეხვდებოდა ჯორი წაიქცეოდა, გაბრიელ ვაღმოვიდოდა ძირს, წამოიკიდებდა ზურგზე თავის ჯორს და გაიყვანდა მშრალზე და სხ. აუცილებლათ საჭიროა თქვენი პირადათ მოსვლა, რომ ავგისხნათ—გაბრიელ ჯორი იყო თუ მღვდელი და რომელი მათგანი ასრულებდა ჯორის მოვალეობას და რომელი მღვდლისთვის, თქვენს ჩამოსვლაზე მოთხრობის ვერ დაბეჭდავთ.

ნაკობე—ღეგე რა ძეგლი. მივიღეთ თქვენი „ფათრეთი“ და მოკითხვის ბარათები. ბოდიშ ვიხდით, რომ ვერ გაგივით ჩვენი განცხადების შინაარსი. ჩვენ ჯერობით ვერ მოვთავსებთ იმ მწერლების „ფათრეთებს“ რომლებსაც ვეჭქილები და მოკითხვის ბარათები უწყვიით—ამის შესახებ განცხადება შემიდგე იქნება. იწერებით: „ამას გარდა კიდევ ბევრი მაქვს ნაწერი, პეტრე ფშკაძის ტირილზე სამს ორმოცდა ჩვიდმეტი წერილი დაესწერეთ.“ რა საჭიროა იმის მტკიცება, რომ თქვენ სხვაზე ნაკლები ღვაწლი არ მიგიძღვით ჩვენს ლიტერატურაში. ეს ყველამ კარგად იცის, ვისაც თქვენი ნაწერები წაუკითხავს. სამწუხარო ის არის, რომ ჯერ ვერ მოვთავსებთ თქვენ „ფათრეთს“.

ს. ზურნაბაძე—ბან დარიანს. რაც შეეხება თქვენს პატივცემულ კორესპონდენტის, ბოდიშ ვიხდით, რომ ვერ ვბეჭდავთ. არავისთვის ახალი ამბავი არ არის, რომ სოფელში ქალების ჩხუბი ხშირი მოვლენაა ჩხუბობენ უმეტესათ ქათმების გულისთვის, რადგან მათთვის წარმოების უმთავრესი დარგი ქათმების მოშენებაა და ამ ნიადაგზე, რასაკვირველია, აუცილებელია ბრძოლა ეკონომიური. გვაკვირვებს მხოლოდ ერთი ვარაუდია რატომ უკბინა ცხვირზე თებრომ გაიანეს, ნუ თუ ესეც აღარ იცოდა, რომ ნათლისდება წინა დღით მარხვა იყო და ცხვირის კი არა, არაფრის ქამა არ შეიძლება?!

სოხუმი—მ. ფანცულაიას თქვენი მოთხრობა იმდენათ უხეიროა (ნუ კი გვიწყენთ) რომ მეგრულათ კი არა კვი ქართული ენითაც რომ დაგწერათ მაშინაც კერას გაივებდა ცაკი. თქვენ იწერებით: „სამშობლოსადმი უანგარო სიყვარული მბედვინებს მეგრულის ენით დასწერო“ თქვენ თუ გგონიათ, რომ სიტყვა „სამშობლო“ ფართე მნიშვნელობით მარტო სამეგრელოს შეეხება და მარტო

მეგრელებისთვის გინდათ თქვენი მოთხრობა, რაღა თულისში გამოგზავნეთ თქვე დალოცვილო? ავიღებდით და ზუგდიდში ან ანაკლიაში გამოსცემდით მეგრულ ჟურნალს და დაბეჭდავდით! იმედია შემდეგში ასე მოიქცევით როცა მეგრულათ წერის ქავილი ავივარდეთ.

ჟურნალ „სალამური“ სრულადკეთისთან შეთანხმებით, „მათრახ სალამური“-ს იმ ხელის მომწერლებს, რომლებსაც მთელი წლის ფული ჰქონდათ შემოტანილი „მათრახ სალამური“-ს მაგიერ დანაკლისი ნომრები ვგზავნებთ „სალამური“.

„მათრახ სალამური“ რედაქცია.

იყიდება

ძლიერ დაკლებულ ფასებში

შემდეგი გამოცემანი:

- 1) „**შმაკის მათრახი**“ 1908 წლისა (35 ნომერი ერთად შეკერილი)—1 მან.; დაკაზმული მშვენიერ ყდაში—1 მან. 75 კ.; მსურველს პროვინციაშიაც გაეგზავნება ფოსტით ხოლო გაგზავნის მიემატება—50 კ.
- 2) „**მათრახ სალამური**“ 1909 წლისა (34 ნომერი), დაკაზმული და დაუკაზმავი—იმევე ფასებში, როგორც პირველი.
- 3) „**შმაკის მათრახი**“ 1907 წლისა (13 ნომერი ერთად შეკერილი)—1 მ.; გაგზავნით 1—20.
- 4) „**ალმანახები**“ 1909 წელში გამოცემული: „აკაკი“, „შმაკი“, „ჯოჯოხეთი“, „შმაკის მათრახი“ და „ტარტაროზი“. (სულ 10 ნომერი ერთად შეკერილი)—30 კაპ.; გაგზავნით 50 კ.
- 5) „**ქრისტინე**“ დრამა, ირეთელისა გაგზავნით 20 კ.

ვისაც სურს თითო ცალის გამოწერა პროვინციებდან—ფულის მაგივრად შეიძლება, ღირებულ ფოსტის მარკებიც გამოიგზავნოს

აღრესი: Тифлисъ, Типографія Шрома, Мухранская ул. № 12, Теофили Болквადзе.

ელექტრომეჭდავი ამხანაგობა

„მ რ მ მ ა“

რუსის ქუჩიდან გადავიდა მუხრანის ქუჩაზე № 12.

ღებულობს ყოველგვარ საბეჭდავ საქმეებს: წიგნებს, გაზეთებს, ბლანკებს, აფიშებს, საღარბო ბარათებს და სხვ. ქართულ და რუსულ ენებზე. საქმეებს ასრულებს სუფთად და სწრაფად. ყველასათვის ხელმისაწვდენ ფასებში.